

晚晴移詩匯

晚晴移詩匯卷六十四目錄

邊汝元 一首

沈起麟 一首

周焯 二首

趙玉 一首

伊麟 四首

僖同格 四首

黃德溥 二首

戴晟 二首

劉家珍 二首

李必恆 四首

張泰基 二首

楊維坤 五首

毛序 一首

殷再巡 一首

李崧 三首

邢夢卜 二首

許夢麒 三首

吳應蓮 二首

程庭 五首

翟士鼇 二首

翟賜履 一首

許七雲 一首

吳邦治 一首

馬祐 四首

馬棻臣 一首

馬耜臣 二首

馬蘇臣 五首

馬枚臣 一首

朱雝模 二首

吳之章 三首

高瑾 二首

周莊 二首

于衣 一首

胡訓 一首

王啟座 二首

侯運盛 一首

侯運昌 一首

耿應庚 二首

田夢月 二首

賈詮 二首

吳琦 一首

郭年長 一首

李漢 一首

楊樞 一首

林荃 一首

王九徵 二首

顧理美 三首

陳喆倫 一首

魏儒魚 二首

劉正誼 一首

陸曾禹 三首

錢諒臣 二首

曹奕雲 一首

曹奕霞 二首

朱楓 四首

曹鑑乾 一首

孫爍 一首

金啟汾 一首

龔書宸 一首

彭湘懷 二首

羅兆姓 三首

徐閻 一首

徐爽 二首

陳珏 二首

黃華 一首

方還 三首

梁朝柄 一首

晚晴移詩匯卷六十四

徐世昌

邊汝元字善長任邱人諸生有漁山詩草

虞姬

大王之所愛賤妾與騅馬時違騅不逝妾生胡爲者伏劍
君馬前待君黃泉下持此報君恩別淚不須灑

沈起麟字苑游天津人有誦芬堂詩

買棹送家次辰南歸

蕭蕭襪被寄星艘脈脈離情恨未降帆掛曉風吹落月棹
分秋水渡澄江遠山青處勞雙屐霜葉紅時醉一缸此去
茗溪何日到好遺尺素慰寒窗

周焯字月東號七峯天津人拔貢有卜硯山房詩鈔

與子愨上人溪上步月

溪上餘清景宵來更不同
水天雙月白林屋一燈紅
人境無塵想縉流有素衷
未知蓮社酒果否許陶公

秋日訪子愨上人留宿精舍

小別雲林數載餘
一舸重泊古僧居
攜來紫蟹黃柑好
正是斜風細雨初
野圃四圍秋寂寂
山齋一榻夜遑遑
寒星數點流螢小
猶似虛窗照讀書

趙玉字瑞君號琢齋滿洲旗人

春日游翠雲亭晚眺懷亡友

再至曾游處憑高望遠天
暮雲飛嶺岫春色暝人煙
亭子存猶昔鍾期去不還
浮生瞬息夢此日意茫然

伊麟字夢得號書樵滿洲旗人有種墨齋集

穎士用拙邀結社作詩奉答

古人重藏修結社事已末詩從性情出豈於此中得蘇侯
泮宮俊英聲久烜赫聞與元珍子兩雄動相扼昨枉尺素
書約我爲社客我不如元珍憐渠卧消渴難爲數相就塵
務互偪側倡酬豈不美所愧才力嗇飛札謝諸君斯言毋
厚責

春興

春風吹蓬廬屋上出短草嗟爾物何知欣欣及時好攜鋤
理花畦土膏射晴昊甲拆紛離披翦伐傷指爪指傷不足
惜勿使滋蔓老

晏起窗旣白疎簾透朝暉茶沸石脣響鳥鳴檐角飛扶杖
出門去看山偶忘歸流水清見底落花香輒泥翩翩新燕

子春社來不違

春農

昨宵一夜足春雨農夫起坐喜相語吾儕竭作及是時夜
半飯牛急命侶清曉紛然駕犁出山妻稚子餉炊黍藪藪
鞭響轉林間鋤破鱸血黃金土土膏已潤東作息牛羊下
來不遑食前途下馬勞農夫羨爾子孫事稼穡西成在望
慶倉箱富貴必從勤苦得十一輸官九及私耕鑿甯歌非
帝力嗟哉農人莫云苦含哺鼓腹誰知汝歲時伏臘烹雞
豚歡娛仰足事父母風波曾未到蓬門悠悠林泉傲巢許
僖同格字成之號用拙道人滿洲旗人拔貢

詩話用拙文譽藉甚不得志於有司退居鄉舍肆力於古詩不躡前人舊跡所爲文辭幾百卷未編爲集流傳甚罕

雜言

古基金臺陰深林若城府墓前老華表夜半作人語不知
語向誰淒音雜寒雨甯事燕昭王莫見張廣武

秋晚行

秋原落日秋墳荒老狐出踞墳穴旁呼風向月曉晚涼道
人步履榛莽中拳蓬坐指枯髓體吾與汝皆亡是公爾未
嘗死我未生野燐古血徒相驚歸歟試作秋晚行嗚呼世
人豈有不死身東坡說鬼君無嗔鬼亦豈不嘗爲人且與
嬾子烹秋茶寒鐙作蕊如作花道人夜久猶咨嗟

書曹孟德詩集後

健筆猶從霸氣生毅然橫槊主文盟東漢而上有其匹大
江以南無此聲安得短兵攻老賊坐看堅壘據長城詩家

共說黃初好七子何人口舌爭

夏興

水車幽巷寂無譁廿載重來此卜家二寸魚游三尺水獨
身樹長並頭花心清頓覺炎威滅地僻還令睡思加倚坐
蒲桃青蔭底夢爲蝴蝶到南華

黃德溥字子厚漢軍旗人有千頃齋詩草紅葉村詩鈔

山行

匹馬秋山路蕭森斷客魂白雲天際雁紅葉水邊村飄泊
征衫舊艱難傲骨存生平矜意氣此際與誰論

雙龍觀看花卽席拈韻得津字

萬壑藏幽境提壺及暮春花深疑失路泉響喜通津談笑
揮長塵沈酣卧錦茵歸途休秉燭片月挂城闔

戴晟字晦夫江南山陽人有寤硯齋學詩

讀韋詩了無一物可以擬似適僧贈梅花取以配之
左司其許我乎

韋詩如梅花暗香生清境孤絕淡塵想幽微具雋永花氣
洗垢氛誦詩令人冷看花億萬人真賞在和靖誰能解左
司世事甘與屏驅除雜念慮冥默得淵靜合之非聲色分
觀如形影渾忘詩與花悠然一笑領

題柴村畫

過眼雲煙跡已陳溪山誰主復誰賓偶來響答松林下千
劫難忘世外人

劉家珍字席待號鹿沙寶應人諸生有蠖堂橐北省集
藕花書屋集

泊瓜洲

日落停江櫂人家簇野煙潮聲喧入夜樹色遠浮天
燈火三更市帆檣萬里船遙聞京口路漁笛起悠然

送別陳子書

少小辭家作壯游秋風秋雨木蘭舟送君心似長河水萬
轉千迴繞渡頭

李必恆字百藥一字北岳高郵人有三十六湖草堂詩
集

文游臺

梧桐生朝陽翩翩鳳鳥至惟賢斯召賢莫之致而致淮海
天下才磊落負奇氣命駕來蘇公崇邱此焉憩孫王亦可
人談笑幸相值酒酣望終古青天照殘醉想見掀髯時崢

巖吐高議勝事近千載風流未墜地誰云培塿卑而作喬
嶽視臨川亦居停遺蹟無人識懷古發長謡霜風颯清吹

珠湖

好風從東來楊柳大隄綠菰蒲芽短短鳧鷖晴出浴扁舟
郭外去波光淡和旭俯仰懷幽人結廬傍隈隩潛姿媚孤
影奇光互天燭地靈斯人傑崛起振芳躅豈徒科名顯直
節著諫牘五湖波浩蕩望古引遐矚漁煙青葦叢飛起雙
屬玉

吳門徐昭法先生畫芝

壘圻輪囷態最工披圖謾謾起清風定知崖畔叢三秀不
在祥符萬本中

四皓當年彊是非商山芝愧首山薇祇應乞與徐夫子閉

戶丹青爲療飢

張泰基字大復號蔗翁太倉人有關中集

田氏紫荆村

兄弟情如何昔聞田氏子堂前紫荆樹苑枯繫憂喜人同
樹欣欣樹爲人旒旒人情有斷絕樹亦從茲已感此權如
初復使成連理草木天地心終古宜不死我行過柏鄉驀
見紫荆里高榜揭當途意在風萬紀如今參商滿天地爭
說庭前荆亦紫

邯鄲道

侵星發沙河寒風叫騷屑南行邯鄲道沙深馬蹶沒磧礫
擊車輪碾磕聲不絕轟然一怒擲我骸驚欲裂縣以山盡
名地胡猶屹嶮叢臺竟何有渠水空幽咽因思古名都累

代生人傑杵日盡客忠羅數完女節壯哉蘭相如叱秦抻
頸血立功拜上卿迴車甘屈折孰謂人素賤迺獨憑口舌
故址我欲尋行程不得輟萬古蒼煙中英雄盡扁鐻不見
抱枕翁富貴纔一映

楊維坤字地臣號定安又號素堂陽湖人諸生有研堂

詩橐花外散吟

詩話素堂十五入邑庠後省試京兆試屬不售遂絕
意仕進家故饒有池臺林沼之勝以三月二十四日
爲履道坊舉行尚齒會之期約同人有年者爲醉吟
社又以正月二十日爲香山生日率同人壽之又以
香山卒於會昌六年八月不知其日遂以八月望日
祀之又以東坡卒於常州爲七月二十八日亦於其
日祀之可謂
好事者矣

送道柔與其徒北上

與君耕研春復春掉臂結客遊重闔前年花發同就道今

年鵬徒難爲鄰五戰棘闥屢蹭蹬兩番京邸潛悲辛饑鷹
折翼向人叫老馬伏櫪安能馴惟君干鎔燄如電康莊贈
策雷與陳攫空蛟龍不可測下筆風雨誠有神蘇黃妙手
世誰似伊洛的派師傳真儒者氣象鬱年少謫僊標格疑
前身燕山紫桂逼天闕努力秋風探月窟市屠壯夫儻問
君道坤今卧南山雲

歸田園居

微雨洗高林迴颺開我襟稱心固爲好苟得非所欽汲汲
魯中交遙遙沮溺心山川千里外懷古一何深
虛舟縱逸棹寒竹被荒蹊先巢故常在違己詎非迷中道
逢嘉友年饑感仁妻不眠知夕永束帶候鳴雞

出東門行與道柔

朝出東郭門暮出東郭門碧陰一帶榆柳邨迤邐數武便
蕭寺中有故人安經笥故人耽靜辟客來剝啄時時乘興
至館人怪我何憇憇我非看竹與問松三日不見病抑鬱
雄談萬古開心胸扣角歌者雜行賈炊屨屢時困五穀若
非任好小白賢那拭珠光出塵土誰家兒子狐白裘烹鱗
辦麟同五侯玉鞭銀絡倚微醉飄飄意氣橫千秋吁嗟天
道不可測道之豐者數偏嗇失意八九事尋常爲君屈指
一不得似我濩落尤相憐置酒當歌聊自便搏蒲狎獵並
得志牖下矻矻徒窮年君不見樹梢斜日隴頭月亭午不
常圓又缺天公何意判晦明循環至理何煩說

村居晚眺

開簾欣雨霽煙火隔林微一徑牛羊入孤村桑柘稀長天

連遠水積霧塞巖扉彷彿聞人語溪南種樹歸

毛序字東球號青笠別號崧園太倉人有靜娛集

題離齋園畫卷

離齋園者琅琊二美先生所構也明嘉靖中分宜當國先生旋罹家難屏

息歸隱以離齋名其園復繪爲圓朋好題詩其上傷蘭芷之不芳怨娥眉之謠詠惴惴有靈均憂讒畏譏之意焉後百餘年爲清河張蒿園廣文宅畫卷亦歸張氏歲丁亥正月五日招同人文讌其中

酒酣出圖示客各賦詩以紀之

在昔嘉隆際承平事粉飾海內主文盟王李兩詞伯小美復繼之火攻勢頗急何人秉國成烈焰正熏炙盈室惟葦蒹蘭茝遭掎擊駭機罹家難歸來避毒螫園栽五畝餘環舍清流激繪作輞川圖慘澹見筆墨卷軸牛腰粗縱橫滿篇什邇來百餘年齒頰尙嘖嘖張公黃門後高爽世無敵買斷謝家山猶存到公石畫圖已散落棄置等瓦礫公獨

購之歸，綈錦加闕，惜東風初解凍，春溪漾深碧。來繼斜川游酒酣話疇昔，晴窗展絹素，香古色微黑。風亭暨月榭，指示仍歷歷。醉眼重摩挲，瞪視三歎息。古人構名園，經營費金帛。鑿池引潺湲，累石肖劣削。一旦高臺傾，荒廢委叢棘。甯僅李與牛，後世供笑啞。茲園幸無恙，復作高人宅。橋邊駐巾車，竹下岸冠幘。豈繫主人賢，亦恐無此客。後日儻重來，梅梢應放白。

殷再巡字二南常熟人有香涇仙吏遺集

牆上草

纖纖牆上草，日出猶青青。須臾朝露乾，憔悴不欲生。卻顧東牆下，向日何其榮。託根幸得所，雨露皆有情。秋盡或就衰，春到還發萌。榮枯雖有數，棲託焉可輕。

李崧字靜山江陰人有芥軒詩草夕陽村詩鈔

詩話靜山僑寓梁溪以買致富好吟詠有中晚風格
妻薛瓊素儀亦能詩有寒食絕句云村荒日日炊煙
少不獨今朝是禁煙
歸愚探入別裁集

萊石翁枉顧留宿聽雨

門掩湖村靜堂幽落葉深青鏡風雨夜白首故人心志在
留長劍囊空挾古琴來春毋爽約掉臂入山林

懷戴南枝

義士全高節傷哉故國春山河遺血淚天地寄孤身煮字
以爲飽採薇忘卻貧衣冠千古在歿世不沾塵

寄懷陶村兼呈樾亭

斜日滄江岸寒煙獨樹村空階餘鳥跡落日滿柴門心靜
聞天籟行吟惜蘚痕天涯知己隔此意向誰論

刑夢卜字茂林當塗人有白陽集

喜楊長文見過

乍驚聲剝啄門外有高車君自辭彭澤吾仍守敝廬情親
還似舊容鬢已非初不是憐同氣何人問索居

送兄之宣城

作客宣城去何時攬轡還亦知非別久無奈獨淒然茅店
更闌月長途歲暮天登高時遠望魂斷敬亭巔

許夢麒字仁長合肥人有楚香亭集

泛湖

西郊風物說方湖一葉扁舟寄興殊夾岸山高殘日小隔
林野闊暮雲孤香聞籬落花重疊影入煙霄雁有無黛色
波光看不盡渾疑身在輞川圖

秋江晚渡

落日澹洲渚揚帆破晚煙秋高霜葉白雲細浪花圓遠寺
一聲磬孤蓬何處船柳堤燈火外尙有酒旗懸

湖邨訪友

我愛騷人住水灣當門湖水白潺潺安排游客牀頭酒供
給詩家屋外山笥翰著風低翠色苔衣經雨上新斑向誰
乞得丹青筆寫出邨圖一幅間

吳應蓮字藻湘號映川休甯人諸生有淇竹山房集

過嚴陵釣臺

桐江一線出天都兩漢高風曠代無帝座暫來居士跡雲
臺終少客星圖祇緣秉性娛山水不爲逃名隱釣屠試問
垂竿何處所凌空峭壁望模糊

黃山雲海歌

黃嶽凌空數千仞千巖萬壑含精蘊有時噴薄結成雲彌
山徧谷皆繽紛平鋪峰頂滔天白五更變幻長空色望中
洶湧如驚濤天風震撼大海潮有峯高出驚濤上宛然舟
楫隨波漾山巔古木氣蕭疎何似桅檣列畫圖風漸起兮
波漸湧一望無涯心震恐山尖小露如壘石高處如何同
澤國斯爲大地一奇觀獅子峰頭最耐看雲蒸山頂成滄
海雲消山色依然在須臾暘谷輝乍騰片時滄海忽消沈
亂雲漠漠歸巖壑山頂波濤不復作峰峰依舊插晴空千
年絕壁留仙踪

程庭宇且碩號若庵歙縣人有若庵詩

陸陸堂曰君以茂闕而具英姿於書無所不窺於其
渣滓味厥精英淡宕者如韋沈著者如杜縱橫奇闢

者於昌黎昌谷
間自標一格

泊木瀆鎮

小橋通野市遠岫入溪煙僧磬夜初靜漁燈人未眠長腰
炊玉粒縮項煮銀鱖願得攜琴酒牽蘿葺一椽

詠史

山頭凍雀語含悽陵廟荒涼渡渭時何負朱三還作賊箕
裘偏自五經兒

三垂岡上酒頻釀鐘簾還瞻舊羽儀一掃橫屍三十里軍
中怕殺李鷓兒

俛首兒皇劇可憐石郎千載負餘羶空傳十萬橫磨劍卻
陷盧龍四百年

無題效義山體

幽蘭咽露漂嫵紫雌鳳悽吟秋月死富平年少嬌無愁一
生玉軟迷花底十二峯頭聚碧煙彈破湘江五十粒青陵
臺下雙棲鳥不化鴛鴦化杜鵑無情網胃鞦韆索行驄莫
縮游絲弱散雲團雪不成聲銀瓶縵斷蛟龍攫玉鉤斜溼
疎疎雨笙囊繡襪埋香土橫塘西畔裊西風蓮花褪盡蓮
房苦

翟士鰲字永維涇縣人諸生

謁敬亭張尙書祠

名山有意待畸人猿鶴千年幸作鄰
晞髮沅湘還戀楚采芝商洛竟忘秦
老臣心事風霜苦吏部文章日月新
總欲攬衣循北郭野棠花發不勝春

丹堊山椒一徑通往來愁絕望雞籠
爲辭簪紱江城隱豈

願鄉村伏臘同古樹含煙平閣外歸颿送影夕陽中紛紛
客舍爭相識今日臨風盡老翁

翟賜履字非熊涇縣人諸生有清閣詩集

爲汪姚良兄作

與君相見日俱是少年時江樹侵行跡山雲誤客思黃金
皆失計白髮不須期浮念知非道高歌寄別離

許七雲字耕華桐城人諸生有芋畹集游粵草

望夫石

山上白雲影娟娟山下水流聲濺濺有情雲逐無情水一
去人間不復還將身凍合水雲汁朝朝暮暮山頭立明月
常明白日白嶺猿爲爾嘯於悒

山陰道上

翠亞層巒黯不分
嶙峋缺處露斜曛
石門磴道堆黃葉
蘿屋花樓鎖白雲
人逐鳥飛經嶺歇
風傳樵語隔谿聞
秋衣拚溼寒山露
愁別仙源麋鹿羣

吳邦治字允康歙縣人有鶴關詩集

詩話允康好學多林藝以介節清修爲同輩所重僑居漢皋淡泊自甘詩古音鏗然無一俗調

題蕭尺木先生畫卷

余胡樂乎居廛肆雙眼昏昏不識字
醉魂吟魄望林泉好山不到揚州地
尺木先生古逸人閉門爲寫山水真
萬斛漣漪滌埃垢筆端不受纖毫塵
廿尺鮫綃一千里澹翠巖巒澈秋水
埤垠樓臺霄漢中紅葉青松道塗裏
行者鹿鹿靜者閑冥鴻隱豹在其間
窗堆萬卷手持筆一生著作藏名山
名山之藏乃幽絕不應龍求不石齧
先生貌物兼貌

心一東丹青若冰雪可惜東南此山川眼中下土心拘牽
婚嫁畢來頭白矣何時一鼓滄浪舷

馬祐字律周又號雲巢桐城人有善藏集

玉屏山寺

谷口時來往松風一徑深濃春樹皆綠亭午寺猶陰山色
清人骨谿聲靜客心偶然逢石坐無語獨披襟

同人飲澄響堂

何意翠微裏柴扉爲客開閒雲百態出舊雨一時來鳥亂
空山響花明宿雨催陶然同朗詠狂醉倒金罍

偕周筆峰買舟之吳門

綠楊吹雪滿河干煙水茫茫客路難白舫乘風容我共冰
弦邀月爲君彈山移斷岸孤帆過潮落空江二月寒此去

吳閫花正滿計程好向虎邱看

相如入都過晤邗江旅寓

昔年吟醉皖江樓彈指俄驚十六秋可奈相逢又相別滿
天風雨過眞州

馬棻臣字甘凝桐城人有健齋詩存

初夏集飲茲園

名園在咫尺過從屢開筵禮數寬先輩談鋒縱少年新鶯
初繞樹濃綠已成天花事春殘未彫闕芍藥邊

馬耜臣字小蘇桐城人有霍山詩存

歸抵縱陽

抱病歸來頓解憂四年人作仲宣游一生九死餘殘喘片
雨孤帆抵故邱野店喜嘗卮婦酒閒雲重上寺僧樓紛紛

到耳鄉音滿絕勝吳歌與越謳

晚泊銅陵

坐久步尤適臨崖一振衣風江漁艇急秋縣夕陽微估客
半沽酒人家多掩扉晚懷殊落寞鷗侶共依依

馬蘇臣字湘靈桐城人諸生有偶景齋詩鈔

詩話湘靈游滇南覽其山水輒爲詩記之名萬里吟今其全集不概見馬氏詩鈔僅一鱗片甲而已

十日菊答謝巨公

老僧遺我十日花叢中尙有黃金芽忙搜旅舍覓盆盎疾
呼健僕團泥沙要扶強幹植根本先除病葉芟杈枒花頭
苦被束縛久豁如自直蓬中麻人情愛菊我愛影百影無
如菊影斜移鐙邀月月亦至縱橫滿壁飛龍蛇藐姑仙人
真綽約何妨背立珠簾遮澆花痛飲頗快意坐間隱隱花

咨嗟揚州市上作重九金錢買斷淵明家娉婷不嫁後時
節蹉跎坐誤春韶華我聞花語三歎息一歲一榮生有涯
君不見綺樓昨夜笙歌歇幾人冷眼窺窗紗汝從禪窟聽
說法可知微笑拈天葩蕭然相對共遲暮秋光儘向蒼公
賒

九日歐舫蛟門諸老小集老圃

不雨不風剛九日一邱一壑有三秋吾曹已作將紅樹人
事多輸未白頭到耳霜清初聽雁候門山翠漫扶鳩黃花
儻亦傷遲暮更與城南續舊游

斷鍼吟

斷鍼餘蓋篋開篋淚如絲血漬鋒鋌盡兒寒手線知昏眵
嫌布衲鄰壁借鐙遲習苦嗟慈母哀哀欲廢詩

謁杜樊川祠

杏花邨上草離離古屋斜陽漾酒旗知己一人牛節度風
流絕代杜分司曾聞戰論諳兵略只爲情多看水嬉自去
騷壇無格調瓣香低首拜靈祠

穀雨後二日程薌谿招同洪棕亭汪春泉方石堂游
上方寺寺有三絕碑及坡公送李使君詩十韻墨
刻在壁卽用坡公白板燒松煙爲韻分得燒字

故宮化爲寺寺古春蕭蕭舍舟踞隴首極目沿僧寮好風
攬衣袖吹我凌金焦金焦不可越匹練橫江潮城中自歌
吹鳥外空煙霄墓田卽云好吟魂亦已銷徘徊禪悅近惆
悵神仙遙坐覺白晝靜感昔蒼松彫平山距數武佳構青
岩堯歎息壁間字難逃劫火燒

馬枚臣字小駟桐城人有匣鋒集

樅陽寓樓

小樓遙向大江開極目雲天亦快哉楚水一灣藏萬戶漢
皇千古有高臺潮環柳岸漁蓑集風送蘆洲買舫來勝地
可憐埋市井登臨誰是大夫才

朱雒模號三農婺源人有三農集

村居

村繞菰田僻門依竹埭斜一泓沈碧樹三徑上秋花豈是
高人宅猶然野老家年來菊籬外亦復藝桑麻

不寐

浦口船還繫江頭雁已歸秋林欹一枕萬籟發天機咽露
沙蟲苦窺窗海月微涼宵清不寐無夢到柴扉

吳之章字松若號槎叟江西長甯人諸生有泛梗集

新晴坐月有懷

殘霞開晚霽新月瞰高塘
庭花煙掩映池草翠蒙茸
塞帷理清歡素輝盪心胸
良時不易得據榻揮絲桐
音響何清越隔戶來薰風
光風非我私豈無伊人同

歸夢

東南歸路將千里高灘急峽石齒齒
晝夜狂瀾吼雷霆客子墜心驚
不已舴艋戒嚴旬有餘及至抵家
差足喜昨夜扁舟何太輕乘風破
浪獨揚舲出江入江須頃刻依稀
叱馭駕長鯨式遏倒捲亂流爭瘴
煙淨盡天廓清到門稚子權前迎
入覲庭闈喜不勝山妻呼酒酌中
庭庭下黃花照眼明綠醅醅帶寒
香冽酣飲聞雞催曉月西風半夜
撼樹

巔驚悟方知夢飛越

農家樂

茅結山堂竹結門何殊老杜住東屯
投閒飯犢依鴉舅乘興行田看鶴
孫歲久不煩溪洗耳睡餘喜有酒盈樽較晴
論雨消長日自覺山家道味存

高瑾字方貢號山顏晚號留夫歷城人貢生有藉青書屋橐

錦陽川

長橋漠漠陰崖下野草萋萋古寺邊
柿葉正青秋未老行人指點錦陽川

黃昏留宿在茅亭天上明河淡幾星
穿竹過窗聲滴瀝石泉一夜枕邊聽

周莊字子莊歷城人有獨喻草古稀集

詩話子莊居歷城北郭築茅屋松陰中開戶爲詩耿介寡合罕與世相接呂仲矩嘗與游旣沒其子以治命送詩藁仲矩所仲矩命其子可亭序而傳之

獨坐

深林風雨多空谷行人少獨坐欲黃昏
枝間唳野鳥

旅夜有感

村舍雞初喚林垌月獨明
殘更催曙色旅夢亂鄉情
秋老風霜厲家貧道路輕
白頭徒自晒衣食費經營

于衣字不塵號榻堂膠州人諸生有榻堂偶存詩

介根城

城中城外正新秋水色山光杖底收
尤涉亭高村北角計斤庵峙嶺西頭
蘆塘自放呼名鳴柳陌還驅化樹牛
更欲

登臨期縱目荒臺竦處看滄洲

胡訓字近光號西溪淄川人諸生

尋般水源

策蹇西風探水源萬山堆裏亂雲屯紅霞晚樹殘秋路白露荒田野豆村煙際魚梁逢荷篠人家籬落掩柴門陽坡一帶巖巒好處處青瑤染綠痕

王啟座字玉斧山東新城人諸生有蓮香亭詩草

過錦秋湖望博興

荷花開徧錦秋湖疎雨斜風入畫圖十里長隄行未了柳條煙重是蒲姑

秋日游柿巖

鱗鱗霜信染丹楓擘絮寒雲萬木空九曲溪流青嶂裏一

聲樵唱亂山中

侯運盛字宜初杞縣人有嘯雪堂詩集

秋意

階草露初白片雲當我樓梧桐八月老鴻雁一天秋木落
他鄉葉碓敲故里愁飄零傷范叔並少傲貂裘

侯運昌字敬韋杞縣人有玩極堂詩集

寄張舍人

裘馬東來日尙和停驂小院避笙歌僧將解制拈槌懶客
爲思鄉得句多書案無花留冷馥松庭有月浸清波囊空
每憶張公子燕市迢迢去若何

耿應庚字西曜襄城人諸生有鳳岡山人詩集

新秋

秋花如靜女不作時世妝秋禽如山僧蕭然立斜陽我心
偶無事軸簾卧方牀清風竹間來兩腋生新涼小睡了無
夢詎問蜨與莊

游甘露寺憩後山亭子望大江

鐵塔高臨鐵甕城天風浩浩送江聲古來文物南徐盛眼
底樓臺北固橫漁笛亂催新月上海門遙束暮潮平風流
七百年間事何處茅庵認淨名

田夢月字霓裳襄城人諸生有杏花書屋詩集

春日西郊

山家游徧復漁家布襪青箴興未涯閒步夕陽臨斷岸偶
成新句畫平沙晴川犢健犁芳草古渡樵歸帶野花欲問
阮宣居止處隔林遙指酒旗斜

寄答太乙先生

秋風嫋嫋雁飛初千里京華一紙書史館聲名綦叔厚文
園消渴馬相如扁舟半夜難乘興杯酒經年歎索居久闕
報章非爲嬾頽濱無計覓雙魚

賈詮字釋之號枳村襄城人有灌書堂詩

詩話枳村工書畫尤長於詩
屏跡山居終年不履城市

自西山歸

在山不見山出山憶山好始知居山人耳目亦草草峽底
石泉清巖上流雲碧游人有去來山水無今昔

西山秋雨

薄霧晚濛濛輕陰漫遠空白雲千嶂雨黃葉一溪風古寺
疏林外清流暮鷺中巖花紛結子冷翠溼秋叢

吳琦字魏公襄陵人

同大兄馨聞蔣子勁草秋窗坐雨

偶然成小集暮雨坐來清道氣深
疇昔天真老弟兄拈鬚
分險韻得句亂秋聲有酒今朝事
何須問世情

郭年長字少鶴曲沃人諸生有燕居集

題畫

獨立意何如愛煞秋光好新霜催黃葉斜月衡山小

李漢字子雲潼關人諸生有西亭詩草

游飛來寺

尋幽入古寺曲磴躡層雲犬睡花陰破泉鳴鳥語分
憑欄
延水色坐石絕塵氛紺宇來何處神靈自昔聞

楊樞字北一潼關人諸生

登方山西巖卜居

嵯峨盤谷路策杖此經過峯峻絕樵牧崖懸障薜蘿人踪
分徑草鳥語出林阿莫賦居難定松風任嘯歌

林荃字元草古田人諸生有放鶴樓詩集

靈聖寺

寺枕青山石徑斜鐘聲催月上梅花老僧曉起渾無事手
掬新泉試早茶

王九徵字明侯號卧山侯官人諸生有竹村詩集

長沙曉發由趙口分道入沅江

夜來風信緊曉色望猶迷別港遙分北連峯盡向西雲隨
沙雁斷天入楚江低爲近三閭廟羣鴉特地唳

題曹山俱爲禪人畫松泉圖

別澗通泉下竹廚青苔白石任踟躕問年記取親栽樹笑
指門前第幾株

顧瑄美字輝六嘉善人諸生

入塞曲

鼓角歸榆塞三軍獵騎收關前疏勒酒馬上月支頭露布
飛金闕雲麾轉白溝君恩憐百戰中道敕封侯

浦口

白下多嘯鳥鄉心不忍聞千山懸別夢片雨過離亭急浪
橫沙白飛帆帶霧青夕陽江浦上孤客漫揚舲

金陵懷古

秦淮原接大江流綺閣還臨白鷺洲五馬旌旗曾北渡八
公草木護南州夜寒玉漏嚴城雨月滿銅駝故國秋江左

繁華零落盡幾時王謝更重游

陳喆倫字安上號再生嘉善人諸生有慎微堂集

聞吳子登泰山絕頂遙有此贈

東望巖巖古岱宗攜筇獨上最高峯石壇曉映千崖日日
觀晴飛萬壑鐘天子何須尋漢策大夫空自號秦松憑欄
四顧無窮興有客中原恨未從

魏儒魚字雲皋號立泉嘉善人貢生

九日顧迂客雷阮徒招集吳山登高用昌黎人日城

南登高韻

令序恣閒尋吳人雅好弄微風况暄和吹帽不覺凍羣賢
欣畢至夙饒濟勝用飛步躡峻嶒慚余未能從彥先載酒
來次宗輒與共相攜升仙槎空闊隨目送石湖晚更平綠

淨絕攢封白髮演霓裳
遏雲聲四縱方磬卜夜歡
茲游詎
空憶詞客一流連
山靈亦增重

東荒田舍

雲吟月嘯儘徘徊
未與人間斷
往來繞屋惟聞深柳合
過橋便見雜花開
隱書攤處長爲主
鈍榜懸時暫占魁
續聚桂如容入會
尙當尋爾向溪隈

劉正誼字戒謀浙江山陰人貢生有宛委山人詩集

山游限韻

越峯萬疊清高與蒼穹
薄煙雲互隱現盤鬱列巖壑
茲山卧南隅芙蓉擎千萼
兩崖界清谿石髮細可擢
沿流陟崔巍飛翠眉邊落
危磴空際懸修纒
差相若翻疑太古初
神工巧空鑿紆回得平衍
心目悠然拓古剝
圍松杉疏鐘度

寥廓山僧宿所諧不厭逢迎數妙諦豎拂詮塵襟汲泉濯
卓午日影圓幽竒導我索老藤蛟蚪盤怪石虎豹攫湍激
金鐵撞禽喧絲竹作嵐封洞杳冥蘚蝕碑斑駁奮力躡崇
岡忘疲循略約海氣忽吹來天風唳孤鶴視聽乃一新斯
游良可樂歸途陞林巒斜陽紅半角攬勝有前期更訂山
靈約

陸曾禹字汝諧錢塘人監生有巢青閣學言

七夕

蒸暑尙未減佳夕忽我臨顧兔細雲衢宛虹垂華林綺窗
弄玉笛朱樓理瑤琴縹緲入銀漢淒涼雜清砧露輝金剪
刀風引素絲鍼始妒合歡扇次愛鴛鴦衾髣髴琉璃帳依
稀環佩音感物興歎息莫言辰與參

送許星彩之灑溪

我與許子常徘徊湖上同登照膽臺
漁歌四起春草綠橫笛短簫送酒杯
人生聚散不可長江風五月芰荷香
別我欲往蘭溪去執手依依情自將
許子之父方秉鐸首蓍齋中未蕭索
朝暮趨庭誨詩禮青山萬疊對高閣
去時漠漠雙臺高江岸煙深猿夜嘯
倚天絕壁噴石乳動地清流湧翠濤
蘭陰山中蘭蕙多香風拂拂衣上過
一林翠竹籠煙靄百尺蒼松挂藤蘿
知君雅意事游衍紫霞白雲常在眼
山光夜映酒杯中幾番脫帽坐苔蘚

蘭溪有紫霞白雲洞

洞霄宮

洞霄真福地上帝自高居鶴語依軒竹
龍鳴出水渠松臺春草發石壁晚花疏
自有乾坤大何須步碧虛

錢諒臣字逸宣嘉善人諸生有霽堂初集

石門澗

石門如崇墉削石立萬仞上翻雲濤雄下激雷霆迅堂隍
欲相合天匠開一釁萬壑闕英奇日月曾莫覲六月擁重
裘森陰不可進遠公石門詩大雅發清潤朗詠過前峯深
篁韻疏磬

宿天竺

山徑輕寒斂暮雲月窗松影夜將分不知何處峯頭雨并
作泉聲枕上聞

贈沈南疑

欲唱仙歌訪羨門琵琶舊手賤崑崙花朝重理雲和曲待
撥鴟絃與細論

曹奕雲字天街號陸笑嘉善人諸生有寶綸堂集

題友人草堂

草堂工結構曲折趁溪灣卽此可容膝何須更買山鳥嘯
萬籟靜花落一庭閒自得幽居趣甯妨日閉關

曹奕霞字乘生一字哲庭晚號白村嘉善人監生有白

村集

雙劍歌爲周蓉湖銀臺賦

何來匣底雙芙蓉光怪燭屋明秋虹天地之寶恆萬鍾非
公博物誰昭蒙七閩云歷三十峯遇人談劍名猿公劍雖
不得其述窮求之鑄者靡良工干鏢自古競楚風方彼百
鍊鑪冶紅鬼神守護日月鎔良由造化非人功低徇往事
餘形容到處已成踏雪鴻今茲建甯侯姓龐命誰巧作山

骨銅兩蚪躍出雌與雄公久望氣如司空得來仍在閩海
東神物固與奇士同晦顯豈必殊霜鋒縱使埋沒糞土中
精采齧蝕光愈融星文况鑠銀臺崇斗牛電掣凌蒼穹寶
裝漆鞘聲鏦鏦挂壁日惟圖史共舞時更與書法通佩之
豈止庇一躬欲衛吾道驅陰雩劍得其人其遇隆不隨下
客彈魚轅酒酣斫地曾無庸軒開有綠氣鬱蔥摩挲三尺
愁吳儂

題友人華嶽詩後

太華煙巒在一筇自言親手摘芙蓉更無人泣蒼龍嶺只
有君登落雁峯歷歷秦關歸指掌迢迢星海瀉心胸卧游
挂我詩瓢處尺五天邊萬樹松

朱楓字近漪號排山錢塘人有排山小草

游皋亭山

憶別皋亭去游蹤久寂寥十年孤艇子又泊半山橋塢竹
寒逾翠崖霜曉未消閑心皆可樂木葉下蕭蕭
登覽渾難盡孤亭接海天潮聲連澗浦雲氣蕩沙田水遠
浮鷗外林疎落日邊歸船疑列岫北郭晚凝煙

游杜曲李氏桃溪村莊

高下懸崖寺縈紆亂水灘疎鐘雲共遠積雪暮增寒二寸
魚偏美三蕉酒自寬川原饒野色帶月倚門看

過靈隱寺至石人嶺有懷鈍丁借秋閣禮九蓮觀音
之約

花飛欲盡奈何春賴此扶筇自在身礪水有香松粉落寺
門無路蕨拳新深林數筍頻留步遠壑尋源屢問人迴首

借秋高閣上隔年尙滯九蓮因

曹鑑乾字端穆號穆堂嘉善人諸生有谷蘭齋稟

狎鷗圖

清吟瀟灑狎沙鷗回首蓬萊是舊游恐著羊裘勞物色草
衣雲卧罷垂鉤

孫爝字奎章號立夫嘉善人貢生有華黍莊詩稟

顧黃門祠

水邊祠宇碧雲連曾此棲遲撰玉篇草樹蒙茸濃更淡無
人可繪六朝煙

金啟汾字禹甸號望岳廣濟人有桂樾堂集

浮渡石

鬼斧何年劈穿巖水一灣前朝仙尹筆遺刻斷崖間石帶

寒泉潤苔皴古字斑清幽探不盡日暮未知還

龔書宸字雲來號紫峯漢陽人諸生有蔗味集

舟行

如駛舟行疾聲喧萬馬歸奔雲隨岸轉遠樹負天飛風足
帆能飽江寬浪亦威好山難注目檣燕漫相依

彭湘懷字念堂號棟塘漢陽人監生有三山游草西湖
紀游獨持皋廡諸集

過滹沱河訪嚴明府不遇

咫尺滹沱岸揮鞭逐晚風嚴城秋色裏匹馬水聲中遠道
慚崔瑋高名羨左雄廿年買絲願惆悵夕陽紅

輓莊先生見過感賦

聽到琵琶聲便吞十年牢落那堪論龍門無處尋元禮馬

廢還來問孝孫日望長安春樹遠蘭舉芳渚暮雲昏先生
睡足余何往只合相從共酒尊

羅兆姓字鹿游遵義人貢生有明日悔覆瓿北上問石
諸集

銅雀臺

漳河曲曲瀉平沙魏武移澆銅雀花兒女銷盡英雄骨遺
言朔望望陵哭生作疑塚七十餘知爾西陵何處居畢生
辛苦爲誰忙歡娛極處儘悲涼龍泉欲吼飛光絕不到今
時已斷腸

讀陰二所寄詩

孤影無情難一語殘燈餘燄暝三更新詩讀罷出門望今
夕夢從何處行

麻柳灣

宛是當年載酒時一灣春水映疎籬
山花莫訝人非昔日屬東風愛惜吹

徐闇字小窳號澹園銅仁人諸生有澹園紀年詩集

春雨

遙遙疏柳帶長汀山色朝來一抹青
春在雨中人不見杜鵑嘯與落花聽

徐爽字召伯銅仁人諸生

詩話召伯澹園弟少年有志節詩清渾灑亮年二十
七遽卒澹園有九日哭弟詩云無復登高興孤齋只
掩扉淒風吹落葉疏雨暗斜暉池草魂空斷原鶴
望已違琴亡人不見顧影獨沾衣詞旨至爲深摯

游茶園山

危峯高矗立俯瞰白雲流霧重晴疑雨
山寒夏亦秋狻猿

緣屋叫颺颺逐人游轉憶逃秦日蕭蕭木葉愁

讀漢武本紀

羽檄頻年出鳳臺邊雲漠漠戰魂哀可憐拋盡沙場骨不
換單于寸土來

陳珪字比之號雙山廣東海陽人有硯痕堂集

秋陰

無端秋改色黯淡四山同古木昏鴉外低天落雁中迷離
三徑菊寒峭一簾風願借江邊笛吹雲散遠空

江夜

蓬窗憑望渺無涯日暮孤舟泊淺沙幾處情猿哀落木滿
天寒露溼蒹葭鄉心惻惻天難曉往事茫茫月欲斜一自
飄零江海上不勝雙鬢惜年華

黃華字太華饒平人諸生有四牧堂詩集

宿馥公僧房

方笠枯藤衲子裝
閒隨巢燕寄僧房
花埋紅雨當三月
城帶青山入夕陽
古寺庭虛封薜荔
荒陵碑廢上牛羊
桐陰話罷茶煙冷
又聽鐘聲出上方

方還字莫朔番禺人諸生有靈洲詩草

結客少年場行

生平負奇氣
結交徧邯鄲
邯鄲多年少
相邀重一言
探丸入公府
拔劍洒重冤
一怒震都市
片語折酈樊
昨日羽書至
烽火照邊垣
慷慨願從軍
挾矢到轅門
奮身作前驅
所至皆摧殘
敵人望旗幟
各各心膽寒
大小三百戰
肌肉無寸癥
舊疆皆已復
露布入長安
天子賜顏色
列土爲屏藩

再拜不肯受大笑歸邱園

金山

岷山東來盡中流一嶼孤潮聲連旦暮山勢帶荆吳未雨
雲充棟將風樹落鳥夜深江月上疑是坐冰壺

送友人歸黃山

秋色滿城樓秋風古渡頭此時一揮手孤月在扁舟草折
黃花老天空白露稠十年還故國歡喜入新州

梁朝柄蒙化人諸生

弔陳翼叔石棺

荒阡斑剝土花紅烈士何年卧此中地禁樵蘇同柳季天
留石槨與滕公雲根自闢詩猶在翼叔有自爲石棺詩和者甚眾玉樹長
埋恨未終我亦伯倫頻荷鍤聊將杯酒酌秋風

晚晴移詩匯卷六十四終

晚晴移詩匯卷六十五目錄

尹繼善 十七首

陳宏謀 一首

尹會一 二首

張廷瑑 一首

陳祖范 十三首

楊炳 一首

張江 一首

王步青 二首

胡蛟齡 三首

范咸 五首

紀達宜 十六首

帥念祖 二首

徐以升 一首

魏元樞 一首

陶士傑 二首

鄭方坤 三首

翁運標 二首

欽璉 二首

馮允升 一首

柯煜 三首

傅澤布 一首

官保 一首

陶士儂 二首

沈青崖 三首

蔡時豫 一首

吳夢旭 一首

吳象弼 五首

鄭世元 四首

曹庭樞 四首

藍鼎元 十首

朱來會 二首

張埴 二首

晚晴移詩匯卷六十五

徐世昌

尹繼善字元長號望山滿洲旗人雍正癸卯進士改庶
吉士授編修官至文華殿大學士加太子太保贈太
保諡文端有尹文端公集

詩話文端歟歷中外五十餘年在江南最久嘗一月
間兼攝九印簿書填委判決恢然猶與諸生論文課
詩公餘一卷一燈如老諸生寒暑不輟好作詩詩成
喜人吟聽至頓挫處手爲拍張或半字未安必嚴改
乃已詩澹湖中唐而以劍南石湖爲宗冲融和易動
中自然適肖其爲人歿後畢中丞抗嚴侍讀長明選
刻十之三
三四

次孫端人韻送別王次山鍾仲恆

金汁江頭雨未收行人欲別意還留離觴共勸他鄉酒落
葉初飛滿路秋一願空羣傳冀北萬山何處憶蠻州知心

自是難分手況值天涯久宦游

過燕子磯游永濟寺偶用壁間韻留贈默默上人

每過雲藍便繫船非關前路受風偏
秋殘野岸丹楓冷水落空江翠壁懸
月色微茫僧入定鐘聲斷續客初眠
回思十七年來事似與名山有宿緣

讀劉皋聞便是離家莫憶家句有感再用前韻

老去逢春興轉加軒亭喜傍水之涯
須知小住誰非客卽便同歸那是家
擬上虛舟還載酒更邀別院看移花
枯枝落水皆堪賞何必樽前有麗華

和袁子才新春見贈

桃源咫尺謫仙人春浪初生遞錦鱗
爆竹聲中消短鬢梅花香裏著閒身
雲歸野岫光何淡雪霽平林景更新
每有

詩成先寄我老來筆墨轉相親

壬午七月石庵學使重過西園話舊仍用不繫舟小

集韻

積雨初收晚吹涼西園留客對晴光重來漸覺知交少

庚辰

同事諸人已去過半

老去空添鬢髮蒼遠樹煙籠鍾嶺翠平池波泛

藕花香銜杯話到當年事殘暑疎星句未忘

石庵見贈詩有坐來殘暑

剛新涼攬際疎星帶燭光之句

樓霞勝處易句留記否前番韻屢酬松柏慣逢如舊雨溪

山正好是新秋

石庵適自樓霞來

君應回首吟晴黛我亦相思夢

碧流何日聯鑣苔徑裏招攜同上最高頭

壬午秋日劉圃三學士重過西園喜賦二章仍用見

贈韻

檻外晴空豁素襟西園重喜共登臨幽窗風過蓮香遠曲
岸煙凝柳色深話舊頻傾留客酒問年易動感秋心老來
握手情彌篤甯祇論詩是賞音

迢迢旌節度江關暫坐濃陰積翠間恰喜青雲來舊侶
門嚴東有兩中翰繼至相看翠竹似清班池開練影明斜日秋送蟬
聲咽小山知有椿堂時在念片帆轉眼又西還

重陽後再游攝山接鶴峯前三日夜游攝山詩依韻

和答

直似蓬萊境休誇金谷園虛亭懸木杪遠水接山根露下
蒼苔潤風來落葉繁靜中聞鳥喚可認是嘍猿

極目鴻飛處凌空塔影高山明如冠玉崖疊似奔濤茗盃
醴香伴詩囊酒榼挑勝游知幾度莫厭馬蹏勞

憶昔登臨始，猶然草樹荒。穿林開曲徑，鑿石起層梁。池映天光滿，橋通練影長。四時花柳色，不異錦屏張。

西園小集後花下獨坐有懷子才仍疊前韻

幽棲豈是薄功名，厭說林深鳥不驚。白髮時陪新弟子，青山也愛舊書生。承歡誰似饒真樂，舍肉還多見至情。子才每將食品攜歸奉母料得冰樓無底事，橫琴坐對月輪明。

近贈芝蘭種滿除，巡簷采采孰相於。窗前烏靜閒欹枕，竹裏燈明夜讀書。見面難如千里外，論交喜在廿年餘。小倉也做棲霞意，閒又新添水一渠。隨園新開小池

送高南疇赴貴州臬司任

共挂一帆輕，時子將入都何堪唱渭城。離杯空有約，時南疇提調秋闈未別得面。別句不成聲，日霽霜仍暝。沙明水自清，故人前路少。

雁影恰逢迎

萬里苗疆路黔山我舊過峯高雲傍馬磴險手攀蘿努力
青霄遠傷離白髮多漫云非澤國處處慎風波

和袁子才冬日寄懷韻

楓林紅葉帶霜飛記得江干送馬蹏歌到離亭聲斷續人
分淮浦影東西年來夜雨添新夢畫裏青山憶舊題臨別
爲子
才題煙雲
如意圖千里相思君識否斜陽滿樹暮雲低

林園拜賜仰皇情愧我年衰列上卿廿載風花看幾度三
春桃李喜重生山連蓬島峯還翠池接昆湖水更清縱有
詩篇忙裏得那如把酒韻同賡

陳宏謀字汝咨號榕門臨桂人雍正癸卯進士改庶吉
士授檢討官至東閣大學士兼工部尙書加太子太

傅謐文恭有培遠堂集

詩話文恭碩望訏謨百寮師表所著五種遺規足爲官箴士範集中文章爾雅皆粹然有德之言詩不多作錄登一首以識景仰

登碧雞山呈尹制府

隔山相望覺山高纜上山頭山又小盡日登高興未足舉頭還羨他山好朝來雲氣接蒼茫須臾日出何分曉碧雞憑眺山海空恍若置身青雲表汪洋萬頃俯滇池一片澄波狀縹緲鳶飛魚躍盡天機曠觀彌復抒懷抱仰止於今屬景行追隨咫尺欽師保

尹會一字元孚號健餘博野人雍正甲辰進士官至吏部侍郎有健餘詩草

詩話健餘少與刁紹武王雲鄉劉今衡稱詩號保陽四子既乃潛心理學恪守程朱矩矱高自期許奉母

至孝入官勵節操求利濟出守襄陽督漕揚州開府
河南所至皆有惠於民有所興作必歸善於其母聲
聞當寧入長諫院擢貳銓曹屢上封
事多所匡益詩清醇和雅不墮理障

居庸關

莽莽關山起暮愁亂雲層疊隱危樓
雕弧控滿清宵月畫角吹殘紫塞秋
旅夢無端空索莫歸心何事更夷猶
燕南碧草還飛蝶已見桑乾帶雪流

上元夜雪

片雪江城未落鐙萬家簫鼓尙喧騰
衙齋禁酒清如水座客垂簾靜似僧
香謝梅花迷檻月寒驚詩夢沁壺冰
玉樓人醉東風裏遙向烏臺望未曾

張廷瑑字桓臣號思齋桐城人雍正癸卯進士改庶吉士授編修官至工部侍郎

詩話思齋爲文端第五子與諸兄隨齋少詹硯齋相
國藥齋宗伯同時登詞館內直講雖外秉文衡荀龍
薛鳳古不
逮今矣

丙午八月分校京兆試用壁間韻

秋高鎖院覺深沈時共諸賢探鄧林常恐驂騑空過目敢
言桃李欲成陰研經辛苦看華鬢報國文章本素心藻鑑
高懸逢永叔遙知玉樹自森森

陳祖范字亦韓號見復常熟人雍正癸卯貢士乾隆壬
申舉經學授國子監司業銜有見復詩草

詩話雍正元年黃侍郎叔琳典試江南所取多知名
士見復才名尤著試文傳誦徧海內其秋試禮部中
式同邑蔣文肅廷錫方爲大學士語之曰子有盛名
某又在朝今歲大魁非子而誰見復默然出卽辦裝
南下自是不復出就屋華匯之濱鑿戶讀書弟子著
錄者日益多大吏延主書院不久輒辭去友教垂三
十年乾隆壬申舉經學秦文恭昌言曰不得陳某則
此舉爲無光爲述其託足疾不與廷試事且曰風節

如此豈可遺之有旨授司業時見復年七十有五矣
卽家拜官異數也生平天爵自重詩無意求工自餘
道氣不得以詞人之詩目之自序云收拾舊囊其無
爲而作者去之其爲人而作者又去之蓋決擇之嚴
此如

四照軒雜詠

作主是雲山客來常掩關春兼中酒意人共落花閒吟入
松風韻愁開水鏡顏暫時容寄傲昏黑不知還
嗜奇復愛曠今日此相遭虯幹排空走雲根到地牢窗中
分嶺色樹杪瀉江濤物象都殊異緣知作者勞

曉過尙湖

放櫂乘朝色空明欲上天中秋半篙月初日一湖煙書卷
隨身在瀟湘卽眼前幾時尋釣叟閑憩碧雲邊

感秋

人生弦上箏流光迅於矢春鳥暢歡情秋蟲感衰耳萬籟
乘時鳴一心異悲喜中宵不成寐轉輾攬衣起今人未嘗
生古人未嘗死欲求不死方從師悔晚矣

夢述

自從別家來十夕九夢親父念子行役不因存歿分存爲
倚門望隔形不隔神歿爲空中魂魂依游子身危高山之
巔慄深水之濬悲哉同行子生獨爲鮮民白雲處處多天
涯見無因

與星旋釋

爾我各異趣青山爲之媒爾心與山靜我心對山開山意
不將迎能通彼我懷書聲雜梵唄瓶鉢偕尊罍大道固無
礙何從起嫌疑推窗月皎皎梅花點蒼苔

古意呈北平黃公

孤桐抱高韻根株半生死伐爲爨下薪灰滅分應爾幸蒙
君子聽驚詫笑相視絃以圍客絲微以九寡珥一彈再三
歎危苦不余鄙是時帝張樂鏗鉉動宮徵此器獨渺默別
調寄山水峩峩復湯湯誰不充其耳黃金鑄子期夙心固
如此

答任翼聖計偕留別

往還多面朋孰是心所同鄉舉忝伯仲時論推雲龍一友
教四方一匿影蒿蓬相見苦不易終歲欣相從得窺所學
富飽聞議論雄冥搜力沈著集益心虛沖烏能石攻玉愧
用莛撞鐘聖籍久黯黹遲子發羣蒙斯行匪干祿要展經
術功析理戒穿鑿守道無窮通釣鼈不釣魚君家有任公

桐城方貞觀寄詩彙書贈

淵明嗟道喪人人惜其情非止口噓哇惟恐風波生就令
詩言志有懷詎能傾轉喉防觸諱順吐必逆撻披拾爲大
尤塞兌乃得甯漫云教溫柔本無不平鳴肺腑一字無月
露連篇盈掩卷想誰作會不得主名以茲繼風雅真屬誰
能爭我讀貞觀詩則知貞觀誠軒豁露肝膈拓落輕譏評
出語中道要破的無浮聲惜哉兩白首未能常合并

聞任翼聖亡

秦淮載筆後一別如雨絕我伏閭里中嬾不事干謁每有
當路人無端願交結

邵公基王
公安國

叩其所從來謂君向若說

乃知迹雖疎風義極真切憶昔言別時贈我句卓傑自擬
赤城霞謂予姑山雪雪寒尙皚皚霞光忽淪滅淪滅胡足

悲層霄已照徹

七夕讀杜詩牛女篇

小東據列宿窮極呼穹蒼謂猶具官臣尸素空周行玉川
祖其意月蝕詩張皇口實資騷賦驅使到天章星辰亦良
苦爲人任短長其中牛與女津津口加詳七夕河漢明下
土舉頭望兒女致私祝豎儒乞芬芳緣飾多故事瑣細語
不莊惟有杜老詩引義陳大綱撥疑見本根辭家敢頡頏
北山歸途

展墓歸經洗馬池佛廬山店與田畦人行鏡裏清光杳秋
在籬邊秀色低一一空回入市擔聲聲報晚上牆雞安能
更得身強健出郭緣源數杖藜

偶成

夢餘支枕聽更時無限幽懷祇自知人在塵中萬蟻戰身
如曙後一星危閒生煩惱因觀史嬾更推敲廢詠詩喜有
寒梅能解事十分春信到南枝

楊炳字蔚友號筠谷鍾祥人雍正癸卯一甲三名進士
授編修

秋夜同胡石圃訪林一凡

蕩滌煩囂夢寐清蕭疏眉宇紫芝情幽居杳不離城市結
社還須免送迎月透窗櫺光照席風傳漏鼓響催碁歸逢
醉尉休予詈故李將軍未有名

張江字百川號曉樓南城人雍正癸卯進士改庶吉士
授編修

贈何從之

白駒蒼狗兩茫茫吹笛滄洲六十霜老去伏生雙鬢短
飢來臣朔一身長青鐙盡夜償文債襪被誰家穩睡鄉
莫歎故園松菊冷袁安曾耐雪中僵

王步青字漢階又字罕皆號己山金壇人雍正癸卯進士
改庶吉士授檢討有鸞鳩草

詩話曉樓己山皆工四書文當時事科舉之學者幾於家絃戶誦詩不多見亦皆清雋可誦

探梅

殘雪前村路開時杖屨忙一枝橫竹外幾樹帶斜陽
風定餘香在雲深別塢長欲歸還小立新月滿衣裳

竹里晚眺

疎篁雨過夕陽明半畝荷塘秋氣清正欲隔離呼酒伴
剛逢別浦送蟬聲地偏長結粉榆友性遠還尋鷗鷺盟
一榻

草堂高卧穩東山千古有餘情

胡蛟齡字淺九涇縣人雍正癸卯進士改庶吉士歷官戶科給事中有起亭詩鈔

同冠峽

一水中盤紆繞作羊腸曲夾岸兩蒼龍并以神力束飛空
舞爪牙數里勢相屬飲澗噴寒泉琤琮落碎玉散成輕雪
花聚入澄潭淥跳珠偶一霑朱炎失蒸溽緬彼昌黎叟茲
地蒙採錄人與境千年美句誰能續孤蹤幸一過聊以資
遐矚相戒勿題崖庶免山靈辱

龍湫潭

小石何零星大石極礮礮戢戢塞滿江進退輒有礙孤飛
似趁人特出欲無對媧皇試餘巧點作百雜碎殷紅隱丹

砂鮮翠攢青黛朝昏呈萬狀俯仰變千態神物此泳潛靈
光時顯晦孱頭垂尺乳雲氣護斃靄終歲瀉甘霖匯入清
川內安得挹餘瀝一濯胸中穢沈疴應解痊庶比天漿漑
葛溪

喬木村村樹蕪菁岸岸花浪翻春雨急山帶夕陽斜古縣
城三板浮圖水一涯更投前路宿帆落聽鳴蛙

范咸字九池號浣浦錢塘人雍正癸卯進士改庶吉士
授編修歷官御史巡視臺灣有浣浦詩鈔

詩話浣浦經學頗邃於易著有周易原始六卷其詩
無激越之響少年魏科蹟而復起時有引咎自責之
言及其登山臨水感物懷人溫醇
間適怡然自得足以規其所養

夜坐叢碧亭

小院層陰十笏寬行吟屋角繞回闌故邀檐月光間照不

畏簾風竹裏寒一卷新詩遲夜話半瓶濁酒冷春盤更殘
莫便思高卧梅影昏黃正好看

再登文昌閣訪蔡院長

別來纔幾時風花已飄瞥柳葉高於城柳絮飛如雪水色
定處濃嵐煙遠還滅客去鳥聲喧空齋獨幽絕

上谷見霧

日遲寒霧上林間橫匹素鴉影忽飛翻散作村煙去

過段忠烈公祠

段公智勇皆殊絕史傳崢嶸識異才倉卒司農倒印去笑
談刺史戴頭來笏能擊賊猶餘恨志在成仁誓不回此日
荒祠馨俎豆懦夫可立不須哀

响樓碑

岐陽石鼓文僅存安置太學真嶙峋更復上溯二千載神
禹鳥跡荒邱墳退之好奇尋古碣眼未曾見空傳說峋嶭
山尖讀舊碑赤文綠字蛟龍掣是誰道士偶得覩事幽語
祕終非實朱張重游入杳茫鸞漂鳳泊悲蒼涼搜索南嶽
竟無有書之簡策心徬徨丹鉛先生生已晚獨窺墨本神
飛揚篆奇義密苦未曉譯以形象詞琳瑯自云祝融峰絕
頂蹠書巉刻非虛影仙扁靈鑰闢千年萬古文章傳世永
我來修志慙直筆稽古湮沈肝肺熱炎帝茶陵尙鬱蔥湘
靈帝子嗁鵠血初訪嶽麓得數紙拖船坳側依稀是麓山有大
禹拖船坳傳聞南渡嘉定年隱真屏下移來此獻之連帥鐫石
壁四絕堂前誰與敵更教摹搨薰麝煤著手摩挲苔蘚剔
衡陽令君忽致書惠我古本行次且縣北計里五十二峋

嶺有峰藏璠璣大禹廟後數百尺精鐵面削螭盤紆有司
置吏勤守護閉藏風雨雷霆俱浴手繙閱少缺畫非隸非
篆非蟲魚翬飛翼歧倚短劍古鼎躍水羅珊瑚兩本肥瘦
差有別麓山重刻甯差訛云何至寶反後出永叔夾漈遺
摭羅新安當時已難覓紫蓋咫尺迷嗟我問途雁塔初不
遠豈有萬丈遮藤蘿是邪非邪正難識未得辨口如懸河
尙書古文疑僞作姚興張霸何其多謬託蚪斗費量度孰
爲發覆忘偏頗多聞闕疑見闕殆吾服至教脫臼科少陵
枉自嗟才竭昌黎力薄終如何後生仰止興不淺金泥玉
檢空吟哦

紀遶宜字肖魯又字可亭晚號閒雲老人文安人雍正

癸卯進士由知縣歷官刑部員外郎有蘭鬢集

詩話可亭從父桂山以詩鳴畿輔可亭詩源出桂山而杼軸予穰別開生面斐然自成一家之言

送春

春去春愁在愁中一送春苔深連日雨花似去年人不惜
榆錢盡翻驚菜甲新舊游回首別寂寞曲江塵

雲中感懷

東皇何日到天涯獵獵淒風萬里沙差解客愁惟有酒欲
看春色竟無花亂流孤嶼詩中畫芳樹嬌鶯夢裏家寂寞
山城明月夜居人爲說舊繁華

秋懷

秋意在何許颯颯庭樹枝金風消息來遂使羣心夷緬焉
念昔人行樂長苦遲百歲豈不多半爲炎涼摧駕言謀遠
游及此清秋時千里無同心夢魂飛向誰

春風如昨日花葉爭芬芳
幾何時東西各飄揚
人生匪磐石安得不參商
矯首羨雙星盈盈河漢傍
雖不同房帷咫尺長相望

震澤中有山山上丹橘林
美人采其實望遠登高岑
玉顏照秋色皓齒揚哀音
哀音是何曲桃李盛年心
流光去如波夙心難重尋
猶有舊時夢搖搖來錦衾

宿瓜步

維舟已薄暮悵望平蕪間
流水不可極夕陽相與還
光生揚子月青對潤州山
入夜潮聲急愁心未許閒

讀家徵仲叔初冬詠懷詩有感

寒侵客袂雨絲絲千里燕
山雁影遲隔歲遙傳雲外
字深春才讀雪中詩右丞
禪寂耽書卷小阮飄零愛
酒卮回首

上林芳草暮游蹤三度負花期

盤山松歌

翠濤十里聲颼颼陰陰礪厂驚潛蚪攫拏石罅若無帶怒
張鱗鬣爭寒流比聞化劫及雙樹孫枝不給斤斧求誰者
護之帛道猷山舊多古松皆千百年物近被竊採幾煙霞
盡所餘蒼翠實拙菴和尚護持之力

日深谷口幽大夫有靈能相酬千株萬株蟠青溝拙菴有
句云千

株萬株青松樹十
里五里紅杏花

盤山石歌

昔游武夷登絕巔踰吸沆瀣披雲煙山靈別後勞清夢三
十六峯吾目前嘯歌今過薊門道林巒初識徐吾好石丈
疑從閩嶠來呀然一見傾懷抱翠膚鐵骨何亭亭蘭若門
前多墜星瀑水虹蜺飛練白蘚花風雨剝銅青分劃名勝

三盤裏上松中石下盤水乃觀羣岫靡不奇向者品題皆
妄耳嵐光澹蕩客踟躕編茅欲傍石林居遠公爲指欽崎
處補天五色此其餘

盤山水歌

近山沙磧無平流入山泉石如清秋綠谿被谷迷萬綠但
聞琤琤厯亂戛哀玉山家無事長閉門靜中不厭風雷喧
凭高延矚三百里滄溟滴盪觀止矣

春晚旅懷

躡屩重來問路歧輭紅拂拂黯鬚眉西山自立京塵外青
眼看人似昔時

唬鳥

萬年枝上澹朝暉啞啞慈烏集翠微聞說鼎湖龍去後哀

鳴環繞紫宮飛

謁先隴

不肖耽微祿久客松水湄墓門弗親掃魂夢常依馳登第
今改官遠赴楚天涯故里難稽留捧檄有程期晨興出西
郭肅穆瞻松茨憶昔兩親在勤拳多訓辭望子爲良臣勿
使家風頹儒官雖苦飢清白長自持祿養已不逮五內徒
悲摧拜罷仰墓表欲去步遲遲人生孰難忘難忘膝下時

病中夜吟

庚申一之日卧疴城南舍霜雪正蕭辰淒迷夜復夜稚子
愁不言老妻但喑喑人生各有涯時至難更借矧予拓落
人學道鮮蘊藉生不應少微死豈緣木稼旣異處士懷亦
匪達官怕嗒然天地中隨分沐大化一息此尙存淵冰敢

寬假青燈自多情照我書在架

夢迴作

愁緒紛綸繞四圍夢醒似欲識天機
人間嗷笑誰眞僞塵外行藏無是非
花落烏衝春色散酒闌客帶月明歸
齊州九點青煙在遼鶴何年故里飛

歲暮放衙歸寓口占

宣武門南十丈塵郎曹退食暫閒身
儘多陸海浮沈客爭似雲霄嘯傲人
安命何須尋季主問天那更學靈均
婆娑應伴康衢叟共慶堯年甲子春

帥念祖字宗德號蘭皋奉新人雍正癸卯進士歷官陝西布政使有樹人堂集

秋夜酒後步月湖上賦柬諸同學暨弟勿逸

川月集卷之二
琴聲甫離指酒香猶在舌客興如閒雲去去此爲別夜煙
渺何許沖融傍林樾秋氣湖上來新寒搖水月玉露零衣
襟澄波照鬢髮清悟旋已啟幽賞方未絕欲訪神仙子雲
漢耿明滅安得化銀橋相從上瑤闕

青田舟中

溪行一百里海遠湖力罄松舟小於葉一榻東無賸溶洋
泛煙霏屈曲歷幽勝潭澄碧無暈欲唾惜清瑩迴橈得灘
響風泉韻疎磬東崦夕綺斂西巖暮嵐暝起坐見華月樵
唱隔煙徑眾象發心賞妙理契神定瑤琴一爲彈芳醕半
欲醒美人倘不來何以酬清聽

徐以升字階五號恕齋德清人雍正癸卯進士改庶吉
士授編修歷官江西按察使有南陔堂詩集

詩話階五爲賓村少宗伯曾孫靜園大司空孫家學相承工臺閣體少讀書有遠志及入諫垣思以經術致用疏陳水利議區田法出官贛臬發姦摘伏人不取欺歸田後簡約如寒素袁簡齋稱其贈初自外孫沈叔園詩云詩派同初白官精共軟紅其平易多類此

南陔草堂牡丹爲會大父手植雨後方盛開愴然有
作

風信輪番又數旬朝來催起錦帷人餘陰已剝子孫輩老
屋依然富貴春舞蝶尋香金粉膩游蜂釀蜜露叢新一卮
私向花神酌好護慈恩院裏身

魏元樞字臞菴豐潤人雍正癸卯進士歷官汾州知府
有與我周旋集

曉發山陰之應州

午夜星輅發清霜結綬花有田皆斥鹵無地可桑麻馬飲

長城窟人吹蘆葉笳壯游良足慰乘輿度龍沙

陶士傑字倫宰號稽山湖南甯鄉人雍正癸卯進士改庶吉士歷官南陽知府有運甕軒詩集

皖江舟中

廓落湘中客羈遲皖水偏江鳴孤櫂雨雲亂遠村煙壯志慚浮梗名場笑聚羶半生行止事回首意茫然

揚子江放櫂

萬頃玻璃一葉舟金焦倒影共天浮乘虛擬向河源客狎浪真隨海上鷗龍出寺雲趨海島鶴盤關月近揚州眼光無界情無際奇絕年來是此游

鄭方坤字則厚號荔鄉建安人雍正癸卯進士由知縣歷官兗州知府有蔗尾集

詩話荔鄉初宰邯鄲擢牧景州再擢守登州時令流
民不得入奉天荔鄉乞弛其禁移武定賑災有勞再
移兗州以足疾自免雅意文獻嘗撰國朝詩鈔小傳詩家源流派別言之綦詳

苦雨

遠峯一髮霧沈沈擁鼻樓頭耐冷吟
千葉紅黏披敗絮半厓綠漲沒新鍼
靜看稀浴連桴鼓端怕蝸涎上枕衾
辛苦銜泥雙燕子呢喃似欲訴春陰

德州道上留別石幢伯兄

料峭寒如此郵籤百二餘弟兄一分袂
琴劍各輕車強制楊朱淚愁沈
殷羨書團圓問明月奚事照離居

昔者同子役涼颺襲葛巾南朝黃葉寺
上國素衣塵歲月趨蛇壑風煙逐雁臣
今成獨歸去惆悵鬲津濱

翁運標字雋工號蓼野餘姚人雍正癸卯進士官道州

知州

詩話：夢野父大環，客游湖南，溺死。夢野通籍後，與兄接三尋，父得葬處，植碑封墓。其地有翁孝子尋親白沙洲記，收民多異政，詩如其人。

紀夢

叫月叩璿宮，乾坤一氣中。
天門何誅宥，海色自溟濛。
絳節逢金母，青裙拜木公。
更邀王子晉，細奏玉玲瓏。

晤王孟亭太守於金陵

四十專城早立勳，投簪及赴舊榆枌。
喚回梁苑繁臺夢，許入閒鷗野鹿羣。
崔琰虬鬚人未老，孫登鸞嘯我先聞。
藩車小市成前度，何處重逢左阿君。

欽璉字寶先，號幼畹，長興人。雍正癸卯進士官南匯知縣，有虛白齋集。

詩話幼囑宰南匯有惠政捍海築石塘自奉賢柘林
城北起至寶山吳淞江口二萬九千八百餘丈民號
欽公塘至今猶
侍爲保障焉

歲朝萬玉庵看梅

西郊梅最古影傍石欄斜根迥前朝露枝開隔歲花風流
傳太守幽冷屬僧家不用羅浮去橫看萬樹霞

過古林庵贈圓通上人

蒲庵十笏寄深山白晝柴扉已掩關塵跡不來茅舍裏鑪
煙時裊樹林間梅當缺處還須補竹繞籬邊莫教刪我實
愛君無俗慮欲攜書卷共追攀

馮允升字仲孚代州人雍正癸卯進士官嘉禾知縣有
惕齋詩集

柳絮

飛去知何處悠揚不暫停迴風矜舞雪依水結流萍官路
陰初合春塘日向冥攀條爲汝惜甯待望秋零

柯煜字南陔嘉善人雍正癸卯進士官宜都知縣改衢
州教授乾隆丙辰舉博學鴻詞有石庵樵唱

朱竹垞師招同魏水村孫執升陸眉州集李雲連書
樓分得水字

東風亦多情吹漲一篙水招邀虹月舟競向春波艤振衣
問書樓登躡跬步耳恍從丹梯來已入青霞裏我師玉局
翁音問違一紀茲辰獨何幸乃獲操杖几主人營邱仙矍
鑠殊自喜目惟辨鬣洗腹惟貯圖史兩翁互抵掌談笑忘
彼是妙析天地初旁通百家旨諸賢各瀟灑語不挂朝市
壺觴方遞陳竹肉亦清美斟酌隨淺深應對見條理向來

文字飲徵逐安足比詩成識日月後會良可俟

題金繪友江聲草堂圖

羅刹江邊遠樹齊松寮蘭畹寄幽棲世人不識枚乘筆誤指濤聲在竹西

隔歲逢君又拍肩蒼茫歸夢憶江邊白蝦紫蟹紅蓮米橫繫松根聽雨船

傅澤布字子元號悅庵滿洲旗人雍正癸卯舉人歷官翰林院侍讀學士

和車宜年自圓明園歸道中作原韻

曉凌殘月去暮帶暝鴉還日落光依樹秋深瘦到山宦情原自澹詩意近尤閒回睇蒼茫外歸雲未可攀

官保字西園滿洲旗人雍正癸卯舉人由助教歷官中

允

金臺懷古

黃金一築後七十餘城收渤海通燕市汶篁植薊邱功成
人已去臺毀迹仍留弔古殘陽下蕭蕭易水秋

陶士儼字中少號毅齋湖南甯鄉人雍正癸卯舉人歷
官福建布政使有鳳岡詩鈔豫章東行西江諸集

月夜坐謝玉亭園亭

何人憐好月與子共瑤琴夜肅湖山氣亭空今古心殘煙
青一縷涼露白千林老鶴何爲者長鳴天半陰

送蔣諗庭宰黔中

聞說黔中事君行我慨然猿聲千嶺月烽火百蠻天德舞
虞廷羽風清宓子絃須知懷遠意不事枕戈眠

沈青崖字良思秀水人雍正癸卯舉人歷官河南開歸
道有寓舟詩集

蘭州

峻絕皋蘭路東岡勢漸平九邊通玉壘萬里鎖金城山抱
高低色河流晝夜聲雄圖分百二攬轡倍含情

趙北口

浮鷁年年灞滻東鼎湖龍去翠華空罟師曬網斜陽外牧
豎牽牛淺水中春曉蘇隄楊柳月秋深鑑曲蓼花風重華
若舉橫汾樂魚鳥親人定不同

向日葵

滿院秋風斂嫩黃扣槃捫燭望恩光跋烏萬里誰知汝猶
是西傾倚夕陽

蔡時豫字笠齋崇甯人雍正癸卯舉人官黎平同知有
慈竹園集

道中喜晴懷舍弟修來

晴日微車裏遙天碧一涯石田收晚稻山草隱秋花仗策
心猶壯巢林願不賒卯君行漸遠計日已還家

吳夢旭字寅齊廣順人雍正癸卯舉人官蒙自知縣有
寫心草

旅病感懷

冷煙炊飯晚幽檻負暄遲善病常防酒多愁卻廢詩
頭角在荏苒歲時移自愧逢迎拙休猜下董帷

吳象弼字似之號康臣海豐人雍正癸卯舉人有杞樹
屋詩

詩話海豐吳克庵參議自肅有三子長居之象寬有芝園詩次從之象默有半閭詩尤以似之爲白眉其詩鑿削凡近歸於雄渾王秋史極稱之

再抵東阿

煙中山色水邊村
草樹蒼黃落日昏
白雁丹楓兩蕭索
騎驢重過小雲門

泰安道中

膚寸瞻何處
蒼茫合暮煙
秋聲秦爵樹
沙路魯歸田
聞說徂徠宅
猶存慶歷年
停車正東望
憑弔一流連

金陵雜詩

幕府山前歲欲殘
一龕燈火照長干
冶城南路臺空在
淮水東邊月自看
地下嘲人陳後主
席前拍板孔都官
南朝多少傷心事
上得僧樓只倚欄

桃葉渡頭秋雨時木蘭舟上酒盈卮
鐙前紅豆尙書句眼底青山小謝詩
金粉千年豔牛渚笙歌一片付烏絲
門前有客如龍虎可是孫郎帳下兒

舟行雜詩

風便喜鳴榔客心殊渺茫天隨波遠
近人與水低昂極浦迴魚背寒鐙沒
蟹莊鞵山相望處終日對彭郎

鄭世元字亦亭一字黛參號耕餘居士
嘉興籍餘姚人雍正癸卯舉人有耕餘
居士詩鈔

詩語耕餘詩思沈格老如人皆欲殺今之自我醉須
埋昔者恰于今負背多芒刺以後甜頭望蔗漿皆純
川宋法若芳草路旁都是恨暮山樓上對誰青樹底
喚鷺初轉舌客中寒食最銷魂則又似晚唐人語

燕

日暮差池影穿花故故頻與君同在客是處可憐春弋者

無余慕天涯戀主貧清明滿桃李蝴蝶過東鄰

渡揚子

忽聞澎湃聲大江又當面十年不來游如與故人見江光
只如昔我老顏色變西日沒復升東流去不轉逝者如斯
夫來者亦可鑒南瞻建康城北瞰山陽縣當時英雄人千
載一過電胡爲尙役役臨衰感貧賤

新柳

善和坊裏信如何蘸綠揉藍動玉河禁得輕寒一百六倦
扶頭起爲春多

客舍心情費村量江干一曲女兒箱羨他絕不關閒事幾
箇漁舟弄夕陽

曹庭樞字古謙號六薌嘉善人雍正癸卯副貢乾隆丙

辰薦舉博學鴻詞有謙齋詩藁

詩話六韜詩清俊拔俗婉而多風舉大科廷試進呈
卷列第十八及命下止取十五人遂未與選後五年
歿於京邸其兄六剛搜
集遺詩爲序而刻之

大霧自東阿曉發

客夢喚不醒晨雞嘯喔喔僕夫戒征車琅琅振霜鐸明星
猶熒煌輪蹠已紛錯山行忽迷道噓氣歎嵐毒窈鬱遮樹
林浸淫罩城郭昏昏陰髻捲蕩蕩雲海濁眯空吹若沙溼
衣細如粟東方忽瞳矓銀山揭賴玉須臾盪晴空豁視爽
心目迤邐投前村川原寄遐矚

送王書臣僉憲之嶺南

鬢鬢細柳綠垂隄二月東風送馬蹏君過嶺南春正好蠻
花萬樹鷓鴣嘯

立春日對雪獨坐有懷大兄

天低泱泱雲模糊凍鴉啞啞城頭呼雪花紛落大於掌凝
臚激射清冰壺梅花不見冒春雪但見老樹撐庭隅碎瓊
細著苔點密裂玉蟠作虬枝枯冷然直洗肝膽潔悄焉不
覺形神孤憶我別家九月九至今三飲屠蘇酒前年風雪
送兄歸衝寒愁折蘆溝柳南來飛鴈猶呼偶何日行隨坐
相守思兄此日北堂前獨獻春盤翦春韭

錢唐相國分餉上賜鄭宅茶寄奉老母

穀雨新晴後頭網驛遞初綠按雙掌細香迸一旗舒玉盞
梅花噴銀瓶薤葉儲賜先黃閣老波及大君餘竹裏泉聲
沸窗閒午睡徐當筵思筍蕨奉母憶籃輿旅食經年別平
安數寄書緘題將遠問藉以慰門閭

藍鼎元字玉霖號鹿洲漳浦人雍正癸卯拔貢由知縣

歷官廣州知府有鹿洲集

詩話鹿洲少日卽以文名側儻負大志朱一貴反臺
灣從族兄提督延珍渡海進討爲之謀主七日而平
事蹟具所著平臺紀略入成均以薦授普甯令忤監
司被劾幾陷重辟既昭雪持簡權廣州守方將大用
遽卒論者惜之文集皆其自訂又輯所治官書爲鹿
洲公案輯講學語爲棉陽學案獨詩藁不傳鄭荔鄉
全閩詩話錄其臺灣近詠十首謂番俗夷情洞若觀
火坐而言可起而行非徒誇山川之魂麗賦物產之
珍奇者

臺灣近詠

東甯大海荒從古無人至明末羣盜窩島夷互竊踞鄭氏
奄而有蔓延爲邊忌我皇撻伐張天威及魑魅遂使瘴癘
鄉文物漸昌熾川原靈秀開鬱勃不可閉式廓惟日增蹙
縮非長計所當順自然疆理以時議勿因去歲亂畏噎卻

飯餽

去歲羣醜張揭竿三十萬我旅一東征倒戈雲見覘七日
復全臺壺箠匝地獻可知帝德深望雲爭革面餘孽雖時
有死灰謀欲煽旋起卽撲除夫誰與爲叛當茲振道鐸教
化不容緩民心原猶水東西流乍變棄之鋌而走理之忠
以勸

臺俗敝豪奢亂後風猶昨宴會中人產衣裘貴戚愕農惰
士弗勤逐末趨驕惡囂陵多健訟空際見樓閣無賤復無
貴相將事樛博所當禁制嚴威信同鋒鐸勿謂我言迂中
心細忖度爲火莫爲水救時之良藥

閩學追鄒魯東甯昧如障當爲延名儒來茲開絳帳俾知
道在邇尊君與親上子孝及父慈友恭更廉讓從茲果力

行誘掖端趨向其次論文章經史爲醞釀古作秦漢前八
家當醢醬制義本儒先理明氣欲王洗伐去皮毛大雅是
宗匠此地文風靡起衰亦所望

臺地一年耕可餘七年食寇亂繼風災民間更蕭索今歲
大有秋倉儲補云急穀貴慮民飢穀賤農亦惻厲禁久不
弛乃利於奸墨徒有邊糴名其實更何益估客旣空歸裏
足此寥寂何如搏節之一艘一百石窮年移不盡農商惠
我德幸與諸當途從長一籌畫

纍纍何爲者西來偷渡人銀鑰雜貫索一隊一酸辛嗟汝
爲飢驅謂茲原隰昫舟子任無咎拮据買要津甯知是偷
渡登岸禍及身可恨在舟子殛死不足云汝道經鷺島稽
察司馬門司馬有印照一紙爲良民汝愚乃至斯我欲淚

沾巾哀哉此厲禁犯者仍頻頻奸徒畏盤詰持照竟莫與
茲法果息奸雖冤亦宜勤如其或未必甯施法外仁

臺邑雖褊小徵糧視鳳諸

鳳山諸羅二縣

土狹賦獨重民困曷以

紆臺灣田一甲內地十畝餘甲租八九石畝銀一錢輸將
銀來比粟相去竟何如納粟弊多端斗斛交相瘡折色比
時價加倍復何居鳳諸雖厚斂什百臺版圖墾多或報少
以羨補不敷臺土瘠無曠衝壓且偏枯安得相均勻丈輕
三邑俱征收同內地含哺樂只且

郡東萬山裏形勝羅漢門其內開平曠可容數十村雄踞
通南北奸宄往來頻近以逋逃藪議棄爲荆榛此地田土
饒山木利斧斤移民遷產宅兵之亦斷斷何如設屯戍守
備爲游巡左拊岡山背右塞大武營旣清逸賊窟亦靖野

番氛府治得屏障相需若齒脣

諸羅千里縣內地一省同萬山倚天險諸港大海通廣野
渾無際民番各喁喁上呼下卽應往返彌月終不爲分縣
理其患將無窮南劃虎尾溪北踞大雞籠設令居半綫更
添游守戎健卒足一千分汛扼要衝臺北不空虛全郡勢
自雄晏海此上策猶豫誤乃公

臺灣雖絕島半壁爲藩籬沿岸六七省口岸密相依臺安
一方樂臺動天下疑未雨不綢繆侮予適噬臍或云海外
地無令人民滋有土此有人氣運不可羈民弱盜將據盜
起番亦悲荷蘭與日本眈眈共朶頤王者大無外何患此
繁蚩政教消頗僻千年拱京師

宋來會字清源一字清遠號秋圃德州人雍正癸卯拔

貢有近思齋集

信陽山行

歷盡中州不計程，信陽已過更南征。
肩輿每傍山腰轉，石徑時臨樹杪行。
遠岫橫煙人早爨，深林激溜水長鳴。
塵埃不到居堪卜，役役空慚志未成。

武昌春日絕句

嶽崎石磴倚高樓，楚國春生一望收。
直上高樓最高處，平湖門外大江流。

張埴字貢五號香潭，湘潭人。雍正癸卯拔貢，有湘帆閣集。

淶口過曹丈中玉宅

入口無多路人煙，曲折環魚蝦秋水。
市蘆荻夕陽灣，估舶

依灘急僧鐘到夜閒黃壚成往事指點一愴顏

京江夜泊

江濤薄暮勢微收鐵甕無風一夕留邀笛步遙人對月藏
春巷近客吟樓一聲僧磬驚懸狄數點漁鐙動宿鷗人境
蓬萊原未遠金山突兀海鼇浮

晚晴簃詩匯卷六十五終